

琉球民族独立総合研究学会 設立趣意書

琉球ぬ島んかい 民族ぬに一むつちよーる わした琉球民族や, しじんに 民族るやる. 15 世紀半ばうと一ウランダー (ポルトガル人), トメ・ピレスでいいみしえーる ちゆぬ かけみしえーたる すむち「東方諸国記」んかいや, わした琉球民族や レケオ人やいゴレス人んでい するさつと一てい, 「うぬちゆぬちやーや いっぺーまくうとうなむんやる, んじゃこーやーや うらん, ゆぬなかぬ ぬーとうけーていん どうーぬ えーか・しんか ちゆんかい ういとうばすちゆや ちゆいんちよーうらん. うぬちゆぬちやーや, えーか・しんかぬたみやいぬー どうーぬ ぬちかきていん すん」でいっち するさつと一いびーん. 琉球國やんかし独立国やてい, 『歴代宝案』つし あかさつと一るぐとう, アジア諸国とう わたわたーとうふいらてい, 19 世紀中頃や ウランダー (欧米諸国) とう わたわたーとう ふいらと一いびーたん.

なまん, 琉球ぬ島々んかいや 琉球民族ぬしまと一いびーん, ヤマトウびかの一あらん, 世界ぬいるかじぬ国んかい わした琉球民族やしまと一いびーん. 5 年かいちゆけー「世界のウチナーンチュ大会」ん琉球つしむよーさつてい, 2011 年つし 5 けーめー むよーさりやびたん. 2012 年ねー ブラジルうと一てい「第 1 回世界若者ウチナーンチュ大会」んむよーさりやびたん. 琉球民族や移民さちうと一ていん んまりじま わしらんぐとう, 琉球ぬ文化やい, くとうばやい っくわんまがんかい ならーち, 琉球民族ぬ ちむくる (アイデンティティー) ぬくち, ふかぬ国々んかい 琉球民族ぬ ちながいちゆくやびたん.

1609 年ぬ薩摩ぬ侵攻ぬあとうから, 1879 年ぬヤマトウぬ明治政府んかい 琉球併合さつてい, なまちきていん ヤマトウとうアメリカぬ 植民地んかいしみらつと一いびーん. わした琉球民族や くにぬねーん にんじんかい なしみらつてい (stateless nation), にんじゆぬ いきらさるつちゆ ンかいなさりやびたん (minority nation), ヤマト政府, アメリカ政府, あんしつし, うふさるちゆぬちやーぬ わした琉球んかい そーる差別, 搾取, 支配さりーるくとう など一いびーん. うれー1945 年ぬいくさうてい, ヤマト政府ぬ わした琉球 捨石とうつし いくさば ンかい そーたるくとうや, 1952 年かい ヤマトウぬ独立のたみなかい わした琉球 アメリカんかい とうらちやるくうやらわん, アメリカかい 27 年ぬなげーさ支配しみらつたるくとうやたい, 1972 年ぬ「復帰」(ヤマトウ政府とうアメリカ政府ぬ わつたーんかい ぬーんしらさん (密約) ぐとう すたる琉球再併合) ぬあとうからん ヤマトウん アメリカん ヤマトウぬ じーからさんみんしーねー, すんとう 0.6%ぬ くぬ琉球ぬしまんかい, アメリカぬ軍事基地ぬ 74%んうしちきらつてい うるくとくからん, わした琉球民族ぬ 差別さつと一しえー わかやびる. ふかぬー, なまちきていん うくなつと一る くとうとうしえー, 1997 年米軍用地特別措置法んでいーる 法律政府ぬちくてい わした琉球ぬ じーはた くんとうてい, あんししー 琉球ぬ 42 あいる市町村議会ぬ むる反対つし, 知事ん市町村長ん わした琉球民族 ちゆいんぬくさん反対そうたしが, 2012 年ヤマトウ政府とうアメリカ政府んかい うしちきらつてい 琉球んかい MV22 オスプレイ強制配備さりやびたん. うりていー

ち とうていん 琉球差別ん 植民地支配ん あちらかあわりとーいびーん.

ヤマトウンチューや 琉球みがわいんかいっし, 「日本の平和と繁栄」 さるむん ちじきらーんでい そーいびーる. うぬままー しーねー わした琉球民族や つくわんまがぬ さちまでいん くくるやしやしーとう いちーるく とー なやびらん, いくさうくりーがんで しかでい くらさんでー ないやびらん. ふかにん, ヤマトウ企業やい し まんかい いっちちよーる ヤマトウンチューたーぬ 経済支配ぬ たったったった うふくなていっち, ヤマトウ政府ぬ さだみたる 振興開発計画さーに 琉球ぬ 環境ん わっさくなてい, 民族文化ん ヤマトウふじーんかい し みらりやーい, ちむくるまでいん 植民地化ぬ ふいるがとーいびーん. わったーや んじゃ ぬぐとうる やいびる.

むとうむとー わした琉球民族や ネイション (nation, peoples, 民族, 人民) どうやる, 国際法っし しるさ っとーる 「人民ぬ自己決定権」 するむん ちかいする 法的主体どうやる. 琉球ぬ 地位やい さちざち しかつとう さだみられーしえー わした琉球民族びけーどうやる. 琉球民族や 土地権, 資源権, 生存権, 環境権, 発展権, 民族自治権, 内政権, 外交権, 教育権, 言語権ぬぬー んでいーる 集団的人権 さるむん むつちよーる 民族る やる. わした琉球や ヤマトウ国家とうわかりてい 独立っし, なまあいる 軍事基地 むる 撤去さーい, みーぐに 琉球ぬ しけー中ぬ 国やい 地域やい 民族とうひらてい こーさいっし, わした琉球民族ぬ ぬずどーたる 平和と う 希望ぬ うるまじま どうな一たーっし なしみーる いらゆーぬ あいびる.

琉球民族ぬ 独立なしみーる たみなかい, 琉球民族独立総合研究学会 設立すん. うぬ学会ぬ えーじゅや 琉球ぬ 島んかい 民族ぬにーむつちよーる わした琉球民族 ならりーる. うぬ学会や 「琉球民族ぬ 琉球民族ぬしー 琉球民族ぬたみぬ 学会」 どうやる.

うぬ学会や 学際的観点っし 琉球独立ぬたみぬ しみがくむん すん. 学会ぬ えーじゅ ならりーしえー 琉球独立しみーぶさる まじり琉球民族どうやる. しみがくむんでいーしえー 学者そーる にんじん びけーぬ するむのーあらん. 琉球民族やる いったーわったーぬ んちよーる 植民地主義ぬ いるいるあいる 問題 ちゅーく うむたい かんげーたいし, ちゃーしーねー ないるぐとう ないが んでい えーじゅ むるっし かたらてい, むぬかん げーすたい なしみたいし するぐとうやるぐとう しーどうんしえー しみがくぬぬぬ なていっち, ちゅいなー ちゅいなー ちゅーくなてい, わした琉球民族ぬ ちむからしんから くくるやしやしーとう ないるぐとう, いらりーるくとう ないる.

琉球ぬ 独立んでいーしえー ないがすら ならんがすら んでい なじつかいのー うむたい かんげーたい する びかーのあらん, 琉球や独立ないん! でい かんげーからぬる はじみやーい, 琉球ぬ 独立んかい かかわいそーる 研究やい 討論やい すん. 独立 じゅんに なしみーる たみなかい ぬぬ いらゆーやが, 世界ぬ 植民地 うとーてー ちゃーし 独立したが, 独立っし ぬちぬ 経済政策とうか 政治・行政・ゆすぬくにとう ちゃーし ふいらいが, たーが 琉球民族やが 琉球民族ぬ ちむくる (アイデンティティ) んでいゆしえーぬーやが, しまくと うば とういむどする さんみん, アート, ならーしー, ジェンダー, 福祉, 環境, マイノリティ差別, 格差問題,

在琉植民者ぬ問題んで一、うふおーくぬ 研究とうか、討論つし ური შიგაჩი ნუჩარა ნუჩი ფდოუვასურ
კდონ მჯუნსუნ.

ふかねー うぬ学会うとーて一 琉球とう ゆぬぐとう どうーぬ しま 独立なしみら んでいそーる 各地とうか
なまー独立国とうなたる国とうかぬ ちゆぬちやーとうん まじゆん研究交流さーに 琉球独立ぬたみぬ しけー
まぎまぎーとそーる ちながい ちゆくゆん. 学会ぬ研究成果むつち, 国連ぬ各種委員会とうか, 国際会議んかい
いち, 琉球独立ぬたみなかい 世界的 ないる わじやん まじゆんすん.

ヤマトウとうアメリカたとう たとうくまから んじゃ ぬぐとうぬ あちけーうきとーる わした琉球民族や ど
うーぬ国 ちくていぬち はじみてい ちゆとうしぬ 尊厳やい 島とうか海, 空, つくわんまが, ふあーふじぬ ま
ぶい まむらんで一 ならん. 琉球んでいーる みーぐにちゆくい はじみーねーヤマトウ政府, ヤマトウンチュー,
どうなーや ヤマトウチューんでい うむとーる琉球民族, いるいる がくむん そーるつちゆ, うんねーる ちゆぬ
ちやーとうぬ 議論んかい まきらんかんげー むつちゆる たみにん 琉球独立総合研究学会ぬ むとうみらつとー
る しちや なまどうやる.

わした琉球民族や, 国際人権規約共通第一条んかい するさつとーる「人民ぬ自己決定権」ちかてい, 琉球独立
んでいーる むとうむとう むつちよーたる 政治的地位実現しみーるたみなかい「市民的及び政治的権利に関する
国規約」ぬ第 18 条「思想, 良心および宗教の自由」, 第 19 条「表現ぬ自由」, 第 27 条「少数民族ぬ権利」ちか
てい 琉球独立しみーる 研究 琉球民族とうつし はじみーん.

琉球ぬ はじまていから なままでい ねーらんたん琉球ぬ独立 なしみーる たみぬ 学会ぬ うくないつし わし
た琉球民族ぬ なまぬ植民地ぬ「にがゆー」ちじてい, ていーちぬ 民族とうつし 平和・自由・平等ぬ なさりー
る ゆぬなかないる「あまゆー」いふえやていん へーく実現しみーるたみ うぬ 学会うちたていてい, 琉球独立
しみぶさる ちむ むつちよーる 琉球民族んかい くぬくとくしらすん.

癸巳四月六日 (2013 年 5 月 15 日) 琉球ぬ独立ぬたみなかい.

発起人

赤嶺 善雄	松田 正二	平良 修
赤嶺 ゆかり	松田 トヨ	高良 勉
新垣 誠	松島 泰勝	高良 沙哉
新垣 重雄	まよなかしんや	ペルシー 多嘉山
新川 明	宮城 和宏	玉城 毅
安良城 米子	宮城=内海 恵美子	玉城 福子
知花 愛実	宮里 護佐丸	照屋 みどり
知念 ウシ	本村 紀夫	友知 政樹
宜志 政光	宮城 善光	渡名喜 守太
比嘉 豊光	新元 博文	桃原 一彦
外間 三枝子	野村 浩也	上原 成信
池原 順子	大嶺 隆	Mitzi Uehara Carter
稲福 日出夫	大仲 尊	Eric Wada
石垣 金星	大城 慧之	山根 安昇
石原 昌英	大城 尚子	山城 莉乃
兼城 淳子	大田 昌秀	與那嶺 貞子
勝方=稲福 恵子	親川 志奈子	与那嶺 義雄
金城 一雄	崎原 千尋	(アルファベット順)
金城 正樹	佐喜眞 淳	(2015年7月1日現在)
金城 有紀	島袋 まりあ	
喜屋武 幸容	島袋 マカト 陽子	
町田 宗男	下地 厚	
町田 藤乃	Koji Taira	